

432

941

增廣大生要旨

善仲



光緒十年孟秋校鐫

增廣大生要旨

埽葉山房藏版

埽葉山房
督造書



北京中医药大学图书馆藏

增廣大生要旨序

大生要旨一書吾邑名宿唐桐園先生
輯以壽世者也書凡五卷合婦科產
科而一之使未生者保生將生者遂生
已生者全生體天地好生之心以生
不窮生不息誠哉其為大生也是



書板久漶漫近且失傳又所輯但古
方如新出休寧汪氏產科心法脈
各條闕而不備其他家傳秘方無論矣

雲間葉君雅卿窮究刀圭六氣五脈
均有心悟尤念胎產一門母子命懸
呼吸不容稍緩須臾也爰取原書彙



以心法及秘方數則增廣成編錄以
余之謂古來方書如以心思邀千金方
蘇沈良方按籍而稽或格之不下以
故仲景稱醫聖所著方猶待後人參
酌而行之運用在一心醫法固不殊兵
法也然獨至保產保嬰又不可不遵古



南京中醫藥大學圖書館版權所有

法何則天地生萬物之生而衆穉而
養皆亘古及今不變之理無所矯揉
造作於其間但以體之不同感受係異
寒熱溫涼隨方以補救之要在得手
中和位育而心醫上者苟師心自用庸
術妄投以性命為苦哉試則固是書之

罪人也顧余又有誤焉生民詩曰誕彌厥
月先生於達夫物類之生其不折不
無災無害皆是也何獨於達比之蓋羊
性善又跪乳孝也至於梟獍之類雖未
必皆胎生殲卵生強頑生而多異不生
則亦非天地所樂得而生者也今以人

生也而曰逆產則非順矣曰難產則
易矣究其非順非易之故母亦有性
梟獍而大異於達者歟此又天下之生
者當先慎之勿以醫力之不效而自昧
乎民之初生之本也是為序

咸豐八年九月瀛門查鍾瀚



增廣大生要旨序

言醫之書甚多而莫難於婦人科婦人
科醫書亦甚多而莫難於胎產夫婦居
室天地生人自然之理本無所為難也特
以人之賦稟有厚薄強弱之不同血氣有
靈實寒熱之各異醫之者苟非因標達



南京中醫藥大學圖書館版權所有

本竟委窮源審其病之所在酌其藥
之所主而歸於的當鮮有不貽誤者大雅

要旨一書為吾邑唐桐園先生所纂著

鍼板行世已久其中列種子胎前臨盆產

後四門酌選古方緊要皆切而穩簡而明

藥到回春以仰體天地大生之德功莫大焉



北京中医药大学图书馆版权所有

惜其版散失無存古婁葉君雅仰仁心好
善夙究岐黃其家世藏婦科胎產諸方

患至精且當審保命衛生歷驗實有

明徵者因即唐氏所輯而增廣之至保

嬰諸方俱選經驗必效者而尤莫要於出

痘故以稀痘種痘為最穩種痘之方舊



板亦失雅卿尚須精選續刻以壽世
以此乞序於余并附刻余所作種痘
序於後余故不揣冒昧謹綴數言以推
廣大生之旨云爾

咸豐八年人日海上翼雲江駕鵬謹識



大生要旨原序

天地之大德曰生人者天地之心也自帝王卿相下逮
介之士編戶之民鈞是人卽鈞是心莫不以好生爲念而
况人之始生兒命所關卽母命所係其所爲維持調護者
更不可不周且詳也往者修善之家刊達生編保產機要
等書世多有之而相沿襲刻未曉醫理其中不無舛誤且
止及臨盆一節而於統前徹後凡得子之道育嬰之方則
缺焉未備有心者每以爲憾同邑唐君桐園儒而醫者也
其先封王父上采公精岐黃術以藥濟人行誼著通志孝
義邑志獨行中尊人仁巖先生余之表母舅也明經碩望

秉鐸白門都人士翕然宗之居鄉居官咸能矜恤單寒至
今猶感道不衰蹟亦具於邑乘君稟承世德學有淵源更
師事邑之名醫王協中先生同遊講貫精通靈素百家今
三折肱矣著有內經註疏傷寒論註疏脈證諸書義博帙
繁劑厠尙需歲月而彙輯大生要旨一編分種子胎前臨
盆產後保嬰五卷參用舊說間出新裁視向來諸本務折
衷於十全而無弊縉紳仁者見而寶之其勲付梓會予荷

天子寵命巡撫黔中赴江蘇

行在所請

訓便假旋里得快讀斯編見其言簡而意該例明而義舉防於

未至拯於將危所附諸方一一斟酌精審在富室固可奉
行卽貧家亦可遵守至荒村僻壤急遽倉皇之際罔不可
檢閱以知保護因以歎是書之用心足補造化所不及而
爲功至鉅且遠也語云不爲良相卽爲良醫君真今之國
手乎播諸遐邇全活必多卽謂能體乾之大生坤之廣生
也可乾隆二十七年喬光烈潤齋氏序

產科心法自序

醫之一道爲司命之司原非容易但能存心濟人博考羣書臨症體察以人性命爲重雖未能有聖賢之學而虛實寒熱表裏陰陽辨釋明白用藥得當自不致於悞人而胎產一科尤宜謹慎守法略一錯悞則胎不保甚至產母亦傷能無怨乎至於產後總屬氣血空虛丹溪先生云雖有他症以末治之此誠千古格言自當遵前賢制方選用斷不可以杜撰悞人如無憂散佛手散生化湯之類千古不磨毋庸苟且每見今人醫產全不合法一味杜撰好奇名爲生化實非生化之意時醫蓋以專誠請來僅以古方施治不特負此一請且恐爲人看輕

不得不搜索枯腸另開方體厚者僥倖得愈設遇體薄者藥而卒以害人深堪痛恨禍必立至至於產後汗出須防元陽外越泄瀉卽防中氣下脫喘急更防惡露上逆此皆產後極忌之處而產後發熱常有之也緣下元空虛陰虛生內熱只須四物湯加童便熱卽退也間有瘀血不行者有經風者有停滯者有蒸乳者各審其因而藥之風感者用歸芎補血之中加黑荆芥一味足矣蓋產時體虛百節開張腠理不固易入易出若表其汗則元陽外越未有不死者也其停滯者只於理脾之藥加穀芽陳皮可矣蓋脾虛則不運化宜用陽藥以助脾溫胃卽運化矣須知產後有邪總宜補中兼消未有